

麟臺故事
殘本

四部叢刊續編史部

上海涵芬樓影印明景
宗鈔本原書葉心高二
十一公分寬十四公分



朝奉大夫守祕書少監程俱奏竊見
車駕移蹕以來百司文書例從省記按
以從事蠹敝或生日者朝廷復置祕書
省稽叅舊章稍儲俊造而臣濫膺盛選
待罪省貳竊以謂典籍之府憲章所由
當有記述以存一司之守輒采撫見聞
及方冊所載法令所該比次爲



分爲三卷名曰麟臺故事繕寫

通進司投進如有可採許以
副本藏之祕省以備討論謹錄奏

聞伏候

勅旨九月十九日奉

聖旨依奏

右劄送中書程舍人

紹興元年九月二十日

尚書省印

押

押



田畊堂叢書

卷一上

麟臺故事

卷一上

麟臺故事

麟臺故事

麟臺故事

卷一上

紹興元年七月 朝請郎試祕書少監程俱記

官聯

官聯

官聯

選任

官聯

國初循前代之制以昭文館史館集賢院為三館通
名之曰崇文院直館至校勘通謂之館職必試而後
命不試而命者皆異恩與功伐或省府監司之次
者元豐官制行盡以三館職事歸祕書省省官自監
少至正字皆為職事官至元祐中又舉試學士院入

等者命以爲校理校勘供職祕書省若祕書省官則不試而命至於進擢之異待遇之渥資任之優選除之遴簡書之略蓋不與他司等也

昭文館在唐爲弘文館隸門下省建隆元年以避宣祖廟諱改爲昭文館大學士一人以宰相充學士直學士不常置直館以京朝官充掌經史子集四庫圖籍修寫校讎之事判館一人以兩省五品以上充

史館舊寓集賢院監修國史以宰相充開寶中薛居正以叅知政事監修自後叅知政事亦有管勾修國史者不常置景德中又有同修國史之名史畢即停

修撰以朝官充直館以京朝官充又有檢討編修之名不常置掌修國史日曆及典圖籍之事判館事一人以兩省五品以上充後改官制日曆隸國史案每修前朝國史實錄則別置國史實錄院國史院以首相提舉翰林學士以上爲修國史餘侍從官爲同修國史庶官爲編修官實錄院提舉官如國史從官爲修撰餘官爲檢討

集賢院大學士一人以宰相充學士無定員以給諫卿監以上充直學士不常置掌同昭文判院事一人以兩省五品以上充或差二人三館通爲崇文院別

置官吏有檢討無定員以京朝官充校勘無定員以京朝幕府州縣官充掌聚三館之圖籍監官一人內侍充兼監祕閣圖書天禧五年又置同勾當官一人祕閣端拱二年於崇文院中堂建擇三館書籍真本并內出古畫墨迹等藏之淳化元年詔次三館直閣以朝官充校理以京朝官充掌繕寫祕藏供御典籍圖書之事判閣一人舊常以丞郎學士兼祕書監領閣事大中祥符九年後以諸司三品兩省五品以上官判國初又置祕閣校理通掌閣事咸平後者皆不領務

祕書省在光化坊隸京百司判省事一人如監闕以判祕書省官兼充景德四年詔祕閣書籍內臣同提舉掌祭祝版正辭錄外有常例祭者並著作局分撰或在京闕著作局官亦有祕書丞郎撰者舊制常祀祝文祕書省嶽瀆並進書學士院唯五嶽進書四瀆則否至咸平六年十二月詔四瀆祝文並進書大中祥符二年更令兩制龍圖閣待制與太常禮院取祕書省學士院祝版據正辭錄重定付逐司遵用景德初詔祕書省揀能書人寫祝版委祕書監躬親點檢謹楷不錯方得進書省有監少監丞郎校書郎正字

著作郎佐郎是時皆以爲官常帶出入亦猶尚書省
寺監丞郎卿少郎官丞簿等皆爲官也即官至祕書

監

今中

有特令供職者或以他官兼監至道中宋白以

翰林學士承旨兼祕書監淳化中李至自前執政以

禮部侍郎

今通奉大夫

兼祕書監大中祥符九年楊億以祕

書監判祕閣兼祕書省事是也然議者以爲億正爲

祕書監矣不當更言判省閣蓋有司之誤也自後兩

省五品以上官不兼監者止云判其祕書省事亦掌

爲祕書監之領祕閣省事猶著作佐郎

今宣

教郎在三館則

修日曆正言

今承

議郎司諫

今朝

奉郎供職本院或在從班則行諫

諍之職侍御史今朝請郎監察御史今承議郎供職本臺則行糾彈之職也

端拱二年八月李至等言王者藏書之府自漢置未央宮即麒麟天祿閣在其中命劉向楊雄典校皆在禁中書即內庫書也東漢藏之東觀亦在禁中也至桓帝始置祕書監掌禁中圖書祕記謂之祕書及魏分祕書為中書而祕書監掌藝文圖籍之事後以祕書屬少府故王肅為祕書監表論祕書不應屬少府以謂魏之祕書即漢之東觀因是不屬少府而蘭臺亦所藏之書故薛夏云蘭臺為外臺祕書為內閣然

則祕閣之書藏之於內明矣晉宋已還皆有祕閣之號故晉孝武好覽文藝勅祕書郎徐廣料祕書閣四部三萬餘卷宋謝靈運爲祕書監補祕閣之遺逸齊末兵火延燒祕閣經籍遺散梁江子一亦請歸祕閣觀書隋煬帝即位寫祕閣之書分爲三品於觀文殿東廊貯之然則祕閣之設其來久矣及唐開元五年亦於乾元殿東廊寫四庫書以充內庫命散騎常侍褚无量祕書監馬懷素總其事至十三年乃以集仙殿爲集賢殿因置集賢書院雖沿革不常然則祕閣之書皆置於內也自唐室陵夷中原多故經籍文物

蕩然流離近及百年斯道幾廢國家承衰弊之末復
興經籍三館之書訪求漸備館下復建祕閣以藏奇
書總羣經之博要資乙夜之觀覽斯實出於宸心非
因羣下之議也况睿藻宸翰盈編積簡則其奧祕非
復與羣司爲比然自建置之後寒暑再周顧其官司
未詳所處乞降明詔令與三館並列至於高下之次
先後之稱亦昭示明文著爲定式其祕書省旣無書
籍元隸京百司請如舊制詔曰朕肇興祕府典掌羣
書仍選名儒入直於內文籍大備粲然可觀處中禁
以宏開非外司之爲比自今祕閣宜次三館其書省

依舊屬京百司

端拱元年初置祕閣以禮部侍郎李至兼祕書監右
司諫直史館宋泌兼直祕閣右贊善大夫史館檢討
杜鎬爲祕閣校理祕閣設官自此始太平興國中左
拾遺田錫上疏以謂今三館之中有集賢院書籍而
無集賢院職官雖有祕書省職官而無祕書省圖籍
然至淳化元年始以太子中允和濛直集賢院若祕
書省則所掌祠祭祀版而已書籍實在三館祕閣而
所謂職官者猶今寄祿官耳則雖無書籍可也景德
初置龍圖閣學士直學士待制直閣並寓直祕閣每

五日一負遞宿後置天章閣待制亦寓直於祕閣與
龍圖閣官遞宿

崇文院於三館直院直館直閣校理校勘之外三館
祕閣又各置檢討編校書籍等官其位遇職業亦館
職也校勘校對書籍不帶出天聖五年晏殊知南京
辟館閣校勘王琪簽書南京留守判官公事特許帶
行以殊故也

嘉祐四年正月置館閣編定書籍官以祕閣校理蔡
抗陳襄集賢校理蘇頌館閣校勘陳繹分史館昭文
館集賢院祕閣書而編定之元豐官制行旣皆罷而

不置至元祐中祕書省職事官與館職之外又置校黃本書籍蓋校書之比也

元豐五年官制行即崇文院爲祕書省以寄祿官易監少至正字以祕書監少監丞郎著作郎佐郎校書郎正字爲職事官館職不復試除見帶館職人依舊如除職事官校理以上轉一官校勘減磨勘三年校書減二年並罷所帶職

政和七年始置提舉祕書省道錄院以大學士至使相三孤充職置管勾文字官二員視殿中丞宣和二年以中貴人提點三館祕閣亦以節度使至使相爲

之皆以恩倖選非故事也舊有監書庫官內臣一員至是又下吏部差使臣一員監門使臣一員則本省奏辟

元豐官制祕書監少監各一人或少監二人丞一人祕書郎二人通掌省事著作郎佐郎各二人專修日曆校書郎四人正字二人校對書籍政和末無復定員官冗且濫至宣和三年論事者屢以爲言上亦厭之乃詔三省定員數且清其選於是倣元豐之制止增著作佐郎校書郎正字各二員監少之外定爲十八員以倣有唐登瀛之數其溢員皆外補崇寧以後置編